

小兒書輯八種

四冊  
輯八



敘古千文

小兒書輯第八

宋崇安

胡

寅

致堂撰



宋都昌

黃

灝

商伯註

太和網緼 二儀肇分

太和以氣言太和之氣網緼升降二儀以象言儀匹也肇始也陰陽始分

有匹對也

小兒書

輯入

一

聽雨堂刊本

敘古千文

清濁奠位

乾坤為門

清濁以形言奠定也陰陽既分天地定位列子曰輕清者上為天重濁者下為地乾坤以理言乾天之理坤地之理氣形象皆舉矣易曰大哉乾元萬物資始至哉坤元萬物資生門言萬物之所從出也

品物流形

睿哲超羣

品物萬物之品也流形言流動生出成形質也睿通也哲明也人為萬物

之靈而睿哲之人又出乎其類也○此一節敘天地人物

### 維河出圖 顯道之原

河出圖聖人則之道之原本由此顯示禮記曰河出馬圖注龍馬負圖而

出也

### 伏羲畫卦 爰始斯文

太昊氏風姓服牛乘馬故號伏羲爰發語辭因河圖以畫八卦爲斯文之

小兒書

韓入

二

聽雨堂刊本

敘古千文

始按漢書律歷志曰炮犧氏取犧牲故天下號曰炮犧氏帝王世紀曰取犧牲以充包廡號包犧後世音謬謂之伏犧白虎通德論曰治下伏而化之故謂之伏犧黃注服牛乘馬故號伏羲不知所本

### 儼垂衣裳 下臣上君

上曰衣下曰裳儼然垂其衣裳所以示君臣上下之分易曰黃帝堯舜垂

衣裳而天下治

軒轅通變 成於華勛

黃帝名軒轅姓公孫堯曰放勛姓伊  
祈舜曰重華姓姚易曰神農氏沒黃  
帝堯舜氏作通其變使民不倦  
揚子曰法始乎伏羲而成乎堯

意誠心正 萬化生身

其無不可矣  
首兼黃與明

言前數聖人皆意誠心正變化萬殊  
皆出乎其身也禮記曰物格而後知  
至知至而後意誠意誠而後心正心  
正而後身脩身脩而後家齊家齊而

小兒書

輯八

三

聽雨堂刊本

敘古干文

後國治國治而後天下平陰符經曰  
萬化生乎身按意誠心正在大學明  
德節本未質言堯舜然上文曰古之  
明明德於天下者下文曰帝典曰克  
明峻德是古之明德首推堯舜即  
謂意誠心正垂統於是無不可矣

神禹胼胝 疏濬汨潭

胼胝張尼切  
疏濬張尼切

禹姓舜命為司空使平水土後世  
稱為神禹莊子曰雖有神禹且不能  
知胼皮上堅也胝足厚也疏通也濬  
深也汨亂也潭塞也禹治水手胼足

脈絲漚洪水汨陳  
其五行禹疏濬也

底別九州 拯拔墊昏

墊丁念切

底致也書曰禹別九州九州冀充青  
徐揚荆豫梁雍也拯上舉也拔擢也

墊溺也昏瞽也言禹救  
民溺也書曰下民昏墊

貢賦包篚 多寡適均

禹既平水土任土作貢厥貢漆絲之  
類定賦爲九等厥賦惟上上錯之類

小兒書

輯入

四

聽雨堂刊本

敘古下文

包包裹而致者厥包橘柚錫貢之類  
篚盛之篚篚者厥篚織文之類多寡  
隨土地所出  
適均皆平也

沐浴詠歌 逮今攸遵

禹之功民沐浴而歌詠之  
史記沐浴膏澤歌詠勤苦

棄稷厥初 夙震姜嫄

棄舜稷官姜嫄棄母有邠氏女配高  
辛氏帝生子異而棄之故名曰棄厥

初其初始時也震動夙早也言稷始  
生之異也詩曰厥初生民時維姜嫄  
載震載夙載生  
載育時維后稷

秬秠糜芑

第種耕耘

秬音巨秠孚鄙  
反糜音門芑音

杞

秬黑黍秠一稂二米糜赤苗芑白苗  
第治種藝穀耕犁耘除苗閒穢言后  
稷播百穀也詩曰誕降嘉種維秬維  
秠維糜維芑第厥豐草種之黃茂

小兒書

輯入

五

聽雨堂刊本

敘古千文

暨益播食

燔烈饗飧

暨及也益舜虞官艱食之處后稷與  
益同教民播種之決川有魚鼈使民  
鮮食之書曰暨益奏庶鮮食暨稷播  
奏庶艱食鮮食傳火曰燔貫之加於  
火曰烈饗飧熟食朝曰饗夕曰飧言  
民得食也詩曰載燔載烈孟子曰饗

飧而

治

字育蒸黎

餘慶茂繁

字子也育養也蒸黎皆眾也言后稷子養眾民積善餘慶後嗣茂盛繁衍成有周之業也易曰積善之家必有余慶詩曰文武之功起於后稷按文武二句詩生民篇序

高實掌教

修敘彝倫

高亦作契息利反

高舜司徒修治也彝常倫理也言高典五常之教修敘常理孟子曰使契爲司徒教以人倫父子有親君臣有義夫婦有別長幼有敘朋友有信

小兒書

輯入

六

聽雨堂刊本

敘古于文

由己敬敷

丕革頑嚚

敬欽也敷敷教也丕大也革變也心不則德義之經爲頑口不道忠信之言爲嚚由高中心欽敬故能敷五教大變天下不善之人也書曰敬敷五

教

孝慈友弟

賤卑貴尊

天下之人承高之教子孝父慈兄友弟恭貴賤尊卑各安其分也

寬宏悠久 帝風雍醕

其教寬廣宏大其施悠遠久長此帝者之風化所以雍和醕醲也

皋陶矢謀 秋殺春溫

陶音遙

皋陶舜理官矢陳也謀謨也皋陶明刑弼教其肅殺如秋溫厚如春也

欽恤象刑 信順協存

欽敬也恤憂也象法也書曰象以典刑欽哉欽哉惟刑之恤哉皋陶敬憂

小兒書

輯入

七

聽雨堂刊本

敘古下文

其法而民信服順從之上下之情允協而常存也

共鯀驩苗 討而弗論

鯀故本反

流共工于幽州放驩兜于崇山竄三苗于三危殛鯀于羽山討此四罪止於流放而不忍論殺之傳曰四罪不死事見通典

蠻貊賓服 治俗愈敦

四夷南方曰蠻北方曰貊書曰惇德允元而難任人蠻夷率服蠻貊從服

政治風俗  
愈亦敦厚

### 岳牧代工 洪造何言

岳四岳牧十二牧工官也洪造天也  
言岳牧之人代天理官帝無爲而天  
下治猶天不言而四時行書曰天工  
人其代之論語曰天何言哉四時行

焉

### 三辰珠璣 四序環循

小兒書

輯入

八

聽雨堂刊本

敘古千文

三辰日月星也四序春夏秋冬也三  
辰垂象如珠之璣明四時往來如環  
之循轉也  
無端也

### 鳥獸咸若 草木殖蕃

咸皆也若順也殖生也蕃茂也  
也書曰若予上下草木鳥獸

### 簫韶鳳凰 焜耀典墳

焜胡  
本切

簫樂器韶舜樂明言簫見細器之備  
雄曰鳳雌曰凰靈鳥也書簫韶九成

鳳凰來儀焜燿典墳言焜煌照耀於典冊之書也春秋左氏傳內官焜燿又曰能讀三墳五典○甘燿其命此一節敘伏羲至堯舜

夏承虞禪

咨稱儉勤

禪時戰切

夏禹也姁姓虞舜也虞夏國氏舜禹謚也禪禪讓傳受也咨嗟也禹受舜咨嗟稱揚其德曰克勤于邦克儉于家

啟聽謳訟

伏畀後昆

小兒書

輯八

九

聽雨堂刊本

敘古千文

啟禹之子畀與也後昆後嗣也言謳歌訟獄之歸啟啟遂聽受之而以天下付與後嗣蓋堯舜傳之賢禹傳之予孟子曰唐虞禪夏后殷周繼又曰朝覲訟獄者不之益而之啟謳歌啟謳歌者不謳歌益而謳歌啟

戰甘勦扈

威賞詎煩

勦子小反

甘地名勦截也扈有扈氏也啟嗣禹位討有扈之罪大戰於甘勦絕其命其賞罰不煩多也書曰啟與有扈戰於甘之野天用勦絕其命左氏傳曰

又慶賞刑威曰君國啟與有  
扈戰二句書甘誓篇序

洛汭荒畋 馳驅十旬

洛汭洛水之北也荒迷亂也畋田獵也馳騁奔走也旬十日也啟之子太康荒迷田獵於洛汭之地書曰太康尸位以逸豫畋於有洛之表十旬弗

反

御母述戒 祖訓忍聞

小兒書

輯八

十

聽雨堂刊本

敘古千文

御侍述循也訓戒也忍聞言不忍聞之也書曰厥弟五人御其母以從後於洛之汭五子咸怨述大禹之戒以作歌其一曰皇祖有訓

羿射擅朝 寒泥又因

泥土 角反

羿善射有窮國之諸侯擅專也寒泥又娛羿於田取國而因其室

戡殲澆豷

少康興綸

戡音堪殲將廉反澆五弔反豷

許器 反

戡勝也殲滅也澆犍寒泥二子少康  
帝相之子興自綸邑有田一成有眾  
一旅遂滅泥及其  
二子而中興夏也

### 癸墜令緒 鼎遷於殷

癸夏之末王桀名癸鼎遷言國祚移  
也殷湯國名桀爲不道墜失其令美  
之基緒國遂移於殷也書曰今王嗣  
有令緒左氏傳曰昔夏之方有德也  
貢金九牧鑄鼎象物桀有昏  
德鼎遷於商○此一節敘夏

小兒書

輯八

十二

聽雨堂刊本

敘古千文

### 湯聘莘畝 伊尹戮力

湯諡也子姓契之後契封於商湯治  
亳殷故國氏也商又曰殷聘訪也莘  
國名伊尹湯相戮力陳力也言湯聘  
伊尹於莘野畝畝之中與之戮力遂  
伐夏救民也孟子曰伊尹耕於有莘  
之野湯三使人以幣聘之書曰聿求  
元聖與  
之戮力

### 徂征自葛 畏愛無敵

徂往也征正其罪也葛葛伯不祀殺  
餉耕之童子湯往征之人皆畏其義  
而愛其德故無敵之者書曰初征自  
葛孟子曰攸徂之民室家相慶十一  
征而無敵

後來其蘇 鳴條倒戟

蘇待也蘇息也鳴條地名戟有枝兵  
也民望湯師之來冀得蘇息故與桀

戰於鳴條眾皆倒兵自攻也書曰後  
子后后來其蘇又曰遂與桀戰於鳴

小兒書

輯入

十二

聽雨堂刊本

敘古千文

條之野按遂與桀  
戰句書湯誓篇序

俾后堯舜 匹夫必獲

俾使也后君也獲得也言伊尹自任  
之重上欲使其君為堯舜下欲使一  
夫必得其所書曰子不克俾厥后為  
堯舜其心愧恥一夫不獲時予之辜

速戾放桐 遂終允德

速召也戾罪也放不知朝政故曰放  
也桐湯葬地也允信也太甲湯孫既

立不明伊尹乃放諸桐宮太甲能思  
念其祖終信其德也書日以速戾於  
厥躬又曰太甲既立不明伊尹放諸  
桐又曰克終允德按太甲既立句書  
太甲  
篇序

### 子弼夢賚 武丁恭默

子我也弼輔也賚予也武丁高宗名  
恭敬也默不言也武丁恐德弗類恭  
敬不言而思道遂夢帝賜以輔弼也  
書曰夢帝賚子良弼又曰恭默思道

小兒書

輯入

十三

聽雨堂刊本

敘古于文

### 營求郊野

### 築巖說得

說音悅

營經營也邑外曰郊郊外曰野說名  
也高宗乃審所夢之人刻其形象經  
營求之於郊野得於傅巖之築者其  
名曰說書曰使百工營求諸野說築  
傅巖之野惟肖按使百  
工營求諸野書說命序

### 對敷休聲 鬼方是克

對答也敷稱揚休美也鬼方北狄也  
克勝也說既作相答揚美命又嘗伐

鬼方勝之書曰說拜稽首曰敢對揚天子之休命易曰高宗伐鬼方三年克之

### 總福駿龐 賢主六七

總集也福百順之名也駿大也龐厚也湯總集福祿為下國駿龐故其後子孫賢德之君六人如太甲太戊祖乙盤庚武丁是也詩曰百祿是總為下國駿龐孟子曰由湯至

於武丁賢聖之君六七作  
小兒書 輯入 十四

聽雨堂刊本

敘古于文

### 悼監辛紂 凶矜驕溢

監居 陷切

悼傷也監視也辛商之末王紂名辛凶暴矜誇恣盈溢也言當傷視紂之不道也

### 師箕囚奴 忠諫焚炙

箕箕子也書注箕子為太師史記曰箕子佯狂為奴紂又囚之忠諫言忠直諫諍之人紂為焚炙炮烙之刑以殺之書曰焚炙忠良○此一節敘商

邠岐積累 昌謨浸赫

邠邑也岐山也昌周文王名姬姓謨謀也浸漸也赫明盛也此言周之興

本稷之後至公劉之子慶節立國於邠大王去邠居岐山世世積德累仁

至文王時謀謨浸以光 大書曰丕顯哉文王謨

重演爻繇 端本衽席

繇直重衽端本又切

演廣也爻畫也繇卦爻之辭端正也衽卧席伏羲八卦文王重為六爻併

小兒書 敘古千文

輯入

十五

聽雨堂刊本

演卦爻之辭又二南之化本於后妃言文王脩身齊家正其本於夫婦衽

席而化行天下詩曰刑于寡妻至于兄弟以御于家邦按文王重卦說本

史記然易注疏據易繫辭斷為伏羲既畫八卦自重為六十四久有定論

黃注仍沿史記誤矣

孚佑緝熙 西顧與宅

孚信也佑助也緝續也熙廣也宅居也上天孚信佐助文王緝熙敬止之

德眷然西顧而與之居詩曰穆穆文王於緝熙敬止又曰乃睠西顧此維

與 宅 水谷 白也 車土 樹木 太公

### 肆發觀政 旄鉞麾斥

肆故也發武王名文王之子也斥逐遠也武王以父業未就與諸侯觀紂政之善惡紂罔有悛心乃秉旄仗鉞麾斥而誓師也書曰觀政于商又曰王左仗黃鉞右秉白旄以麾

小兒書

輯入

十六

聽雨堂刊本

敘古于文

### 盟津約誓 附國八百

盟音孟

孟津河陽也約結約誓告誓武王師渡孟津大會以誓眾作太誓三篇諸侯附周者八百國史記曰不期而會孟津者八百諸侯

### 釣渭非熊 皓首馮軾

渭水名皓白也軾車上橫木太公釣於渭水應飛熊之占文王載以俱歸年八十餘佐武王伐紂白首而憑車之軾也史記西伯將出獵卜之曰非

虎非熊所獲伯王之輔果遇太公於渭水之陽詩曰維師尙父時維鷹揚涼彼武生言風公武因冠王首肆伐大商時世圖曰璧式曰圭

殪戎漂杵 祝斷丑厯 殪於計反

殪殺也戎兵也祝斷也書曰祝降時喪丑厯商以建丑之月為正武王伐紂觀兵於商紂眾倒戈自攻血流至於漂杵蓋甚言其敗自此商之正朔遂絕故曰祝斷丑厯書曰殪戎殷又曰血流漂杵

小兒書 輯入 七

聽雨堂刊本

嗣誦幼冲 旦豈履籍

嗣子也誦成王名幼冲幼童旦周公名武王之弟豈非也成王幼不能蒞祚周公相成王非蹈履天下之圖籍也而荀子曰周公履天下之籍非也

植璧秉珪 金滕納册

植置也秉執也圓曰璧方曰圭滕絨也册書也言周公先因武王有疾乃作册書以身代武王置璧於大王王季文王之坐以禮神公秉桓圭為贄

以告遂作冊書納之櫃中緘之以金  
書曰植璧秉圭又曰納冊於金滕之  
櫃

### 管蔡挾庚

### 往差罪辟

辟必亦反

管蔡國名管叔名鮮蔡叔名度周公  
之兄弟武庚殷紂之子祿父也封以  
殷之餘民與管蔡為三監辟法也周  
公相成王管蔡疑周公將不利於成  
王挾庚以畔周公往征之差次其罪  
法殺武庚致辟管叔於商囚蔡叔於  
小兒書

敘古文字

輯入

支

聽雨堂刊本

郭鄰按以管蔡武庚為三監說本漢  
書地理志考帝王世紀自殷都以東  
為衛管叔監之殷都以西為鄘蔡叔  
監之殷都以北為邶霍叔監之是為  
三監於短義較近

### 斧斨卒完

### 繡袞赤烏

斨七羊反

隋登曰斧方登曰斨登受柄之處卒  
終也完全也袞服有績有繡烏履也  
方周公東征管叔流言王亦不能無  
疑於是人有破斧缺斨之憂然周公

聖人其心至公天乃動威以彰公德  
王亦感悟而知公勤勞斧斨終無破  
缺而卒完全繡裳衮衣赤舄几几而  
公歸矣詩曰衮衣繡裳又曰赤舄几

几凡天下王之勤勞終無破缺  
王亦感悟而知公勤勞斧斨終無破

釗持既盈

囹圄闐寂

闐若 晁切

釗康王名成王之子盈滿也囹圄獄  
也闐寂靜也言成康之時刑措不用  
如器既滿康王能持守之不使傾溢  
民不犯法獄皆空寂也詩曰持盈守

小兒書

輯八

十九

聽雨堂刊本

成漢書曰成康之隆囹圄空虛四  
十餘年按持盈守成詩鳧鷖篇序

滿臺喜遊

遐鶩轍迹

鶩亡 遇反

滿穆王名康王之孫九十日臺遐遠  
也鶩馳也穆王立春秋已五十在位  
五十五年耄荒喜遊遠馳其車轍馬  
迹於天下左傳曰昔穆王欲肆其心  
周行天下將必有車轍馬迹焉

胡仍板蕩

靖續憤惕

胡厲王名仍因也板蕩詩名板反也  
蕩法度廢壞之貌靖宣王名厲王之  
子續繼也厲王好利監謗反先王與  
天之道無綱紀文章國人畔厲王流  
死於彘宣王既立憤式又曰翁式  
發惕厲遂致中興史記禮記

側躬勵行

俊髦任職

側躬不敢自安也勵行修飭所行也  
志過千人曰俊髦亦俊也俊髦之士  
任之以職詩曰側身修行又曰任賢  
使能周室中興焉按側身修行句詩

小兒書

輯八

二十一

聽雨堂刊本

敘古千文

雲漢篇序任賢使能

二句詩蒸民篇序

獫狁侵鎬

徐土騷繹

獫音險狁音  
允鎬下老切

獫狁北狄鎬北方地名徐土徐國也  
騷動也繹陳也宣王之時外有北狄  
侵伐鎬地內有淮夷擾動徐土也詩  
曰獫狁匪茹侵鎬及方又曰徐方繹

騷

迅霆暉焯

虺虎綿翼

暉吐丹反焯吐  
雷反虺火交反

宗 迅疾也霆雷之急者嘽嘽眾也焯焯盛也虓虎怒也綿綿不可絕也翼翼不可亂也宣王伐玁狁征徐國王旅如迅霆如虓虎眾盛而又整暇詩曰戎車嘽嘽焯焯如霆如雷又曰進厥虎臣闕如虓虎又曰綿綿翼翼不測不克

恢復疆境 雅頌諧激

恢大也復反也雅頌詩也宣王能恢大復反其舊之疆場境土歌詠於雅

小兒書 輯入 三 聽雨堂刊本

敘古千文

頌如采芑車攻江漢常武之詩其聲諧和而激發也詩曰復文武之境土

按復文武句  
詩車攻篇序

宜曰徙居 俯就衰絀 絀敕律反

宜曰平王名徙遷俯俛也避犬戎之難東遷於洛周室遂衰言其棄文武

之故都俛就衰微絀削也

宗廟黍離 過者閔惻



歌不衰楚昭王興師以迎甯能厄之也論語曰天生德於子桓魋其如子何又曰在曰楚始歸之空言不取原陳絕糧夏桀博酒餅出華平出

### 刪定詩書 繫辭黜索

古詩三千餘篇孔子刪之存者三百五篇書者帝王典謨訓誥誓命之文定之爲百篇贊易道而繫以辭爲象象文言上下繫古有入卦之說謂之

入索孔子

黜去之

小兒書

輯入

三

聽雨堂刊本

敘古干文

### 晚潛奧思 筆削史策

言孔子作春秋蓋晚而沈潛深奧之思因魯史之策書筆則筆削則削始於魯隱公終於獲麟是非二百之文四十二年之行事而成春秋也二百

### 姚姒以降 斟酌準的

姚虞姓姒夏姓斟酌挹注也準平也的射的子曰我欲託之空言不如見諸行事之深切著明也於是託二百四十二年之事迹以行天子之事以

明聖人之用舜禹而下蓋皆斟酌其中以爲萬事之繩準標的也

### 日星炳煥 千古貽則

炳煥明也貽與也則法也言春秋之書其大義大旨如日星垂象之明貽

萬世之則也

代堂入室

### 麟瑞應期 妙感孰測

麟靈獸王者之瑞魯哀公十四年西狩獲麟也蓋孔子作春秋貽萬世法

小兒書

輯入

三四

聽雨堂刊本

敘古千文

麟瑞應期而至遂絕筆於獲麟聖人與天同心天人之際微妙感通孰能測度之也

### 樂育英才 升堂入室

育養也材過千人曰英堂堂喻道之淺深孔子設教從之遊者三千以得此英才而教養之爲樂其弟子或升堂或入室於道各有所得也孟子曰樂得天下之英才而教育之論語曰由也升堂矣未入於室也

伋蹈前軌 軻稟絕識

伋子思名孔子之孫軌轍迹也子思以孫子之賢獨能踐乃祖之往轍軻孟子名孟子去孔子又遠而生稟絕異之識並為亞聖之大賢令聖人之德業可傳可繼其功大矣

標示中庸 攘距楊墨

標表也中庸子思之書攘逐也距卻也楊楊朱墨墨翟子思以中庸不偏

小兒書

輯入

三五

聽雨堂刊本

敘古千文

不倚之正道定理示於人孟子得其傳明仁義之道知楊氏為我至於無君墨氏兼愛至於無父攘逐距闢之也

王澤息傳 獨賴遺編

春秋戰國之時聖賢之君不作而先王之澤息滅而不傳特有六經孔子子思孟子之遺書爾

羸秦訖報 惆悵卜年

羸餘 輕切

秦國名嬴姓報周之末王立五十九年秦昭王功周赧王盡獻其邑周遂亡是嬴秦迄絕周赧也昔成王定鼎卜年入百卜世三十周之基祚至此可爲惆悵○言敬皇焚書又燬樂器此一節敘周赧昔樂器出郊樂器

### 烹滅列侯 廢壞井田

烹 亨音

列敘列也自古封建諸侯唐虞三代未之有改井田方里而井井九百畝其中爲公田八家皆私百畝亦古制也秦始皇二十六年既盡滅韓魏趙

小兒書

輯入

三六

聽雨堂刊本

敘古下文

楚燕齊六國分天下爲郡縣烹殺諸侯而絕滅之自孝公以來廢井田開阡陌其後因之先王井田之制廢壞史記曰烹滅強暴

### 雜燒簡牘 耽惑佺仙

音

竹曰簡木曰牘皆經籍也耽樂也佺仙人偃佺也言始皇焚書又耽樂迷惑神仙之說欲求長生史記曰有藏詩書百家語者悉詣廷尉雜燒之人曰遣徐市入海求仙人

良遇劉邦 嬰頸拘牽

良張子房名劉邦漢高祖姓名嬰秦王子嬰天下畔秦高帝起兵會良有報秦之志遂為之謀臣入關秦王子嬰係頸以組降軹道旁言以組自係

也

再報仇讎

楚羽戕咽

戕慈良切

楚國名羽項羽戕殺咽喉也秦滅韓張良自以五世相韓為韓報仇既滅

小兒書

輯入

三七

聽雨堂刊本

敘古千文

秦項羽自立為西楚霸王立韓後公子成為韓王良為韓司徒羽不遣成之國殺之良復為漢謀敗楚垓下羽至烏江自剄而死是再報仇讎也○

此一節敘秦及楚

炎漢開基 規模廣延

炎漢漢火德也基業也圓曰規模範也廣大也延長也高帝開創漢業其立制垂範遠大也後漢書曰炎漢開基漢書曰規模宏遠矣

勃誅祿產 光擁昭宣

勃周勃祿產呂祿呂產光霍光昭宣漢昭帝宣帝高皇后呂氏生惠帝惠帝崩呂太后臨朝立兄子祿產為王祿上將軍產相國專兵秉政太后崩謀作亂太尉勃入北軍令曰為呂氏右袒為劉氏左袒軍皆左袒遂誅祿產立文帝昭帝武帝幼子年八歲立為天子武帝命霍光為大將軍受遺詔輔幼主昭帝即位十三年而崩無子光立武帝曾孫病已是為宣帝號

小兒書

輯入

三六

聽雨堂刊本

敘古千文

稱中興漢書

曰擁昭立宣

董相仲舒 儒術窮研

董仲舒相江都王為公孫宏所嫉又相膠西漢書曰仲舒遭漢承秦滅學之後六經離析下帷發憤潛心大業令從學者有所統一為羣儒首故謂於儒術能窮極研究也

請罪僻邪 乃績巍焉



變洽救甯

吾奚閒然

變悉協切  
救綿婢切

變和也救安也閒隙也光武中興天下和洽安甯吾無閒隙可言其失也

論語曰禹吾

無閒然矣

志宏朽馭

奄寺聯翩

志桓帝名宏靈帝名奄寺宦官也聯屬也翩飛貌言桓靈失御下之道如

以朽索馭馬宦官擅權始則單超等

號五常侍後又有侯覽曹節等聯翩

小兒書

輯入

三千

聽雨堂刊本

敘古千文

言相繼

而來也

黨錮縉紳

催汜兵纏

催訖岳切汜詳里切又音汎

黨鉤黨鉤謂相牽引錮禁錮也縉紳插笏於帶紳大帶也縉紳謂士大夫

催李催汜郭汜纏不解也靈帝二年宦官侯覽諷有司奏劉淑杜密李膺

等爲鉤黨下獄死者百餘人妻子徙

邊附從者錮五屬詔州都大舉鉤黨

於是天下豪傑及儒學行義者一切

誣爲黨人何進袁紹召董卓將兵入

朝誅宦者卓凶暴王允誅卓催汜皆卓部曲遂反攻陷長安劫質天子公卿漢以是亡○此一節敘東漢

### 許都曹操 鄂保孫權

曹操字孟德挾天子都許其子丕立為帝國號魏操為魏太祖孫權字仲謀因父堅兄策之業遂有江東保據河鄂國號吳權為大帝

### 亮兮翊備 據蜀當天

小兒書

輯入

三

聽雨堂刊本

敘古干文

亮姓諸葛字孔明翊輔也備姓劉亮說備取蜀備漢宗室子志在興復漢室故亮輔之據蜀比吳魏為當天也○此一節敘蜀漢吳魏

### 司馬欺孤 熾鄴連顛

司馬姓也名懿字仲達為晉宣帝熾晉懷帝名鄴愍帝名魏明帝疾執懿手目齊王曰以後事相託吾忍死待君與曹爽並受遺詔輔少主懿誅曹爽懿子師遂廢齊王立高貴鄉公子昭又弒高貴鄉公孫炎遂代魏國號

晉謚爲武帝故石勒曰曹孟德司馬仲達欺孤兒寡婦孤媚以取天下惟其取之不以道故其後懷愍二帝皆爲凶奴劉聰之將劉曜所虜連蹇顛頓也○此一書宋劉勰北齊書周節敘西晉

### 導建江表 安摧苻堅

導王導江表江左也安謝安苻堅氏也居關中稱秦王晉都洛陽既陷沒導輔瑯琊王睿都建康號元帝是爲東晉江表之晉蓋導所建立也安相小兒書 輯八 三 聽雨堂刊本

敘古干文

### 南北判裂 圻甸腥羶

西晉之末五湖亂華晉元帝都建康其後爲宋齊梁陳北爲元魏北齊周隋圻交也甸甸服也言中原古帝王所都郊圻甸服之地爲夷狄犬羊所腥羶也

隋暫混并 煬惡罔悛

隋姓楊名堅代宇文周國號隋諡文帝開皇元年平陳天下爲一場帝弑父奢淫好兵大業二年而天下大亂故隋暫能混一合并而煬帝之惡德曾不悛改國遂亡○此一節敘南北朝

世民雄視 資受勇智

世民唐太宗名李世民雄視一世謂天下豪傑皆雌伏而莫與敵也其資

小兒書

輯入

三三

聽雨堂刊本

敘古于文

質稟受兼

備勇智

除殘滌暴 慕仁勸義

殘賊暴虐之政則除去蕩滌之仁義之道則愛慕勸勉而有之所以除隋之亂成貞觀之治也唐書曰魏徵勸我行仁義旣效矣

斗米數錢 外戶不閉

唐書曰貞觀三年天下大稔斗米不過四五錢東至於海南及五嶺皆外

戶不開行  
旅不齎糧

### 丞輔疇功 鑒亡一魏

左輔右弼前疑後丞疇咨其功勳言  
任房元齡杜如晦之徒為輔佐成功  
業也魏徵以諫諍為己任恥君不及  
堯舜太宗日以銅為鑒可正衣冠以  
古為鑒可見興替以人為鑒可知得  
失魏徵沒朕亡一鑒矣言太宗能用

賢從  
諫也

小兒書

輯入

三

聽雨堂刊本

敘古干文

### 玩躡句驪 猶橫壯氣

高句驪國名貞觀十九年太宗伐之  
不能成功深悔之歎曰魏徵若在不  
使我有是行也言玩兵躡武於  
高驪尚橫其少年之銳氣也

### 牝雞遽晨 枝幹披瘁

牝雞母雞也晨司晨而鳴也以喻女  
后專政幹木本也披析瘁病也枝喻  
宗室為國枝葉幹太子國之本也太  
宗之子高宗立武氏為后臨朝擅命

廢其子中宗爲廬陵王幽之房陵殺唐宗室殆盡改國曰周如母雞之司晨而唐之枝葉披折凋瘁也書曰牝雞之晨惟家之索漢書曰樹之大者

披木

### 狄傑扶傾 唐統薦繼

狄傑姓狄名仁傑扶持也傾側也薦再也繼續也言唐室將傾而仁傑扶持之蓋仁傑以母子天性感動武后后曰還汝太子遂復立中宗唐之統

小兒書

輯入

三五

聽雨堂刊本

敘古干文

緒於此再續也

### 霓曲喧轟 鞞鼓駭沸

霓曲曲名鞞騎上鼓唐元宗時楊國忠獻霓裳羽衣曲寵胡羯安祿山鎮范陽令專制三道且十年天寶十四載反遂陷兩京元宗耽於聲色喜聞霓裳之曲喧轟遂致祿山反大者叛鞞鼓之聲驚駭騰沸也

### 臨淮汾陽 汎埽氛翳

汎思 晉反

臨淮汾陽二郡名汎酒也埽除也氛  
祥氣也翳障也安祿山反郭子儀李  
光弼克復兩京光弼封臨淮郡王子  
儀封汾陽郡王言李郭汎酒埽除唐  
之妖氛精誠愈自請督輝泉障翳也

贄斬篡泚

度梟叛濟

中丞封宜

贄陸贄篡僭位泚朱泚度裴度梟不  
孝烏磔之梟頭木上叛濟吳元濟德  
宗用兵於兩河日費百餘萬緡遂括  
富商錢出萬緡者借其餘積財帛粟

小兒書

輯八

三

聽雨堂刊本

敘古干文

麥借四之一又稅間架除陌錢涇原  
兵奉朱泚反德宗幸奉天用陸贄謀  
痛自引過以感人心所下詔書驕將  
悍卒無不感激揮涕遂斬泚憲宗時  
吳元濟反於淮蔡用兵久無功李逢  
吉等請罷兵裴度爲中丞往宣慰還  
言必可取賊殺宰相武元衡又傷度  
度爲相討賊愈急自請督戰遂梟元  
濟言德宗憲宗平二

貂璫專命

霜凝冰至

山又凝千

貂璫後漢書宦者傳銀璫左貂明帝  
後改金璫右貂傳命擅王命也霜凝  
冰至陰氛之盛初則凝霜終至堅冰  
言有漸也太宗之制內侍省不置三  
品官黃衣廩食守門傳命而已明皇  
始用高力士爲將軍宦者至三千人  
衣緋紫者千餘人宦者之盛自此始  
其後李輔國魚朝恩程元振吐突承  
璀王守澄仇士良田令牧楊復恭皆  
握兵擅權憲宗爲陳宏志所弑穆文  
武宣懿僖昭七帝皆宦者所立其來  
有漸辨之不早故也易曰履霜堅冰

小兒書

輯入

三

聽雨堂刊本

敘古于文

陰始

凝也

藩鎮交拏

虐悖狂恣

藩鎮唐史有藩鎮傳明皇致安祿山  
之亂肅宗遂瓜分河北地付授叛將  
亂人乘之以土地傳之子孫遂成藩  
鎮言其勢交合紛拏其人皆暴虐悖

逆猖狂

縱恣

魚爛絲棼

吁嗟五季

宦官擅權於內藩鎮叛逆於外唐遂以亡天下壞亂如魚爛絲棼五十二年之間爲梁唐晉漢周之五代凡八姓十三君短促禍亂之極可爲吁嗟歎息也○此一天下無難文王之節敘唐及五代

猗歟我宋 盡美全懿

而各稱天不降

猗歟美辭太祖由歸德軍節度使受周禪故國號宋言五代極亂天生真主混一字內我宋功德之盛度越唐漢上繼帝王懿美全盡也論語曰韶

小兒書

輯入

三

聽雨堂刊本

敘古千文

盡美矣揚子曰不亦懿乎

块北難名 普率純被

块倚黨切 主真 北乙黠反

块北氣也普率普天率土言我宋盛治至和之氣不可得而名稱天下純被之也漢書曰块北無垠論語曰民無能名焉詩曰天下純被文王之化

按天下句詩

騶虞篇序

喬崧孕秀

顏孟並轡

喬崧皆高大貌河南有崧山孕含寶也言盛治之世泰山喬嶽含孕秀氣篤生大賢於是河南程顥與弟頤得聖學之傳有如顏子孟子並轡齊驅也詩曰嵩高維嶽維嶽嶽降神生甫及申

### 私淑諸人 追配洙泗

淑善也配合也洙泗水名孔子教授弟子於洙泗言二程先生以所學私善諸人追洙泗之風也

小兒書

輯入

三五

聽雨堂刊本

敘古于文

### 莊老虛談

### 佛釋空諦

諦音帝

莊莊周老老聃佛氏自言釋其姓本西竺胡人諦審也言莊老之談虛無而佛釋義諦本空皆無益於人倫有害於義理也

### 申韓慘刻

### 朱翟偏蔽

翟停 厯切

申申不害韓韓非其言慘酷刻深楊朱爲我墨翟兼愛其言一偏而有所蔽

璞輅考占

黥彭擊刺

晉郭璞魏管輅能推考占驗  
漢黥布彭越善擊鬪攻刺也

篆籀末習

詞章小技

籀直萬神之聖  
又切辭辭人受

詞章文詞篇章言字學之習抑末而非本文藝之為技能甚小而不足為也

肯涉波瀾

致遠恐泥

泥乃計反

小兒書

輯入

罕

聽雨堂刊本

敘古干文

水行曰涉波水涌貌瀾大波也泥不通也言前異端雜學譬之於水不肯涉其波瀾况其深遠乎欲遠到而為此業必為所拘泥而不能至也

探蹟鉤隱

涵養精粹

基本而不只為  
學之旨味末而

蹟隱義理之幽深難見也精粹人受於天性之本有也凡天下萬物之理有隱顯者皆當探索如此者蓋將涵養吾之精粹使之無放失壞敗則心盡而理得矣易曰探蹟索隱鉤深致遠又曰剛健中正純粹精也

達理制事 酬酢經緯

酬主答客也。酢客報主也。直綵曰經。橫綵曰緯。學者窮理而能通達於理。則可以裁制萬物。其於應物經世。如飲之酬酢。織之經緯也。

舉此加彼 兼善博施

施以 鼓切

言皆舉斯以加諸彼而已。其用至於兼善天下。博施於民。皆本諸此。無二道也。故盡己之性。則能盡人物之性。脩身齊家。則能治國平天下。所謂吾道一以貫之。非若異端之二本雜學之偏蔽也。孟子曰：言舉斯心加諸彼而已。又曰：達則兼善天下。論語曰：如有博施於民而能濟眾。

參乎覆載 可謂大器

參三也。覆載天覆地載。參而為三。才可謂宏大之器。此節總敘。

右敘古千文禮部侍郎胡公明仲所作其敘事立言昭陳法戒實有春秋經世之志。至於發明道統開示德門。又於卒章深致意焉。新學小童朝夕

敘古千文 小兒書

輯入

聖

聽雨堂刊本

諷之而問其義亦足以養正於蒙矣  
清江劉孟容出其先朝奉君所書入  
分小卷莊謹齋一所以傳家之意甚  
備豈亦有取於斯乎因摹刻寘南康  
郡齋傳諸小學庶幾其有補云淳熙  
己亥八月戊戌新安朱熹書

小兒書

輯入

敘百千文

四三

聽雨堂刊本



日及八民史史陳安朱熹書  
潘濬獻精小學勉勉其音疏云高照  
潘豈亦有難氣波乎困摹於真南康  
衣小卷莊謹齋一所以傳家之意甚  
備豈亦有取於斯乎因摹刻寘南康  
郡齋傳諸小學庶幾其有補云淳熙  
己亥八月戊戌新安朱熹書

